



2



ИЧКИ  
ИШЛАР  
ВАЗИРИ  
БИЛАН  
СУХБАТ

4



МЕН ВАТАННИ ҚАНЧАЛИК  
СЕВДИМ?

5

ШАХС ДАХЛСИЗЛИГИ  
ҚАФОЛАТИ ЯНАДА  
КУЧАЙТИРИЛДИ



7



№ 28  
2020-yil, 19-avgust  
Chorshanba (32.622)

Ijtimoiy-siyosiy gazeta

1918-yil 21-iyundan chiqa boshlagan

# O'zbekiston OVOZI

Улузлардан улузимсан, Ватаним!

## ХОРИЖДА МЕХНАТ ҚИЛАЁТГАН ФУҚАРОЛАРИМИЗНИНГ ХУҚУҚ ВА МАНФААТЛАРИНИ ҚЎЛЛАБ-ҚУВВАТЛАШ КУЧАЙТИРИЛАДИ

● Мамлакатимизда ҳар йили 600-700 минг аҳоли меҳнат бозорига кириб келади. Иқтисодиёт тармоқларини ва ҳудудларни ривожлантириш бўйича кўрилатган чоралар натижасида йилига 500 минггача иш ўрни яратилмоқда. Шунинг учун қарийб 200 минг кишининг бандлигини ташқи меҳнат миграцияси орқали таъминлашга тўғри келмоқда. Бу табиий жараён, барча ривожланаётган давлатлар шундай босқичдан ўтган. Қарерда меҳнат миграцияси тўғри ташкил этилган бўлса, бандлик, оилалар даромади, малакали мутахассислар кўпайган.

● Кейинги йилларда хориждаги ватандошларимизнинг ҳуқуқларини ҳимоя қилиш, шароитларини яхшилашга эътибор кучайди. Россия, Қозоғистон, Туркия, Япония ва Бирлашган Араб Амирликлари билан меҳнат миграцияси борасида халқаро шартномалар имзоланди. Чет элларда ишлаётган фуқароларни қўллаб-қувватлаш учун алоҳида жамғарма ташкил этилиб, 100 миллиард сўмдан ортиқ маблағ ажратилди. Шу билан бирга, ташқи меҳнат миграция масалалари бўйича Бош вазир маслаҳатчиси лавозими жорий этилди.

● Худудлардаги Ташқи меҳнат миграцияси агентлиги филиалларининг ваколатлари кенгайтирилиб, уларга хорижий иш берувчилар билан бевосита шартнома тузиш, миграция хизматлари билан музокаралар ўтказиш ҳуқуқи берилди. Бу филиаллар раҳбарлари вилоят ҳокимининг ёрдамчиси ҳисобланади.

● Шунингдек, чет эллардаги меҳнат миграциясига оид тартиб-таомилларни фуқароларимиз учун енгиллаштириш, юрtdошларимиз кўп ишлайдиган шаҳарларда Ташқи меҳнат миграцияси агентлигининг ваколатхоналарини очиш бўйича топшириқлар берилди. Хориждаги фуқароларнинг ҳуқуқий ҳимоясини кучайтириш, бу бўйича онлайн платформа ва "кол-марказ" ташкил этиб, малакали адвокатларни жалб қилиш вазифалари кўйилди.

● Меҳнат мигрантлари ҳаёти ва соғлигини суғурталаш учун Хориждаги фуқароларни ҳимоя қилиш жамғармасидан маблағ ажратилади.



● Мутасаддиларга хорижий давлатлардаги йирик иш берувчилар билан музокара ўтказиб, ишчи ва мутахассислар юборишни кўпайтириш, меҳнат мигрантларига йўл ҳақи, патент ва суғурта харажатлари учун 10 миллион сўмгача паст ставкада кредитлар ажратилади.



Тедрос Гебрейесус,  
Жаҳон соғлиқни сақлаш ташкилоти раҳбари

## Коронавирусга қарши курашда «умид учқунлари» пайдо бўлган

Бу ҳақда Жаҳон соғлиқни сақлаш ташкилоти раҳбари Тедрос Гебрейесус маълум қилди. Ҳозир дунёда коронавирусга чалинганлар 22 миллионга, қурбонлар эса 780 мингга яқинлашмоқда.

«Кўпчилигингиз қайғуда эканингизни ва бу дунё учун қийин вақт эканини биламан. Бироқ мен ойдинлик киритишни истайман: умид учқунлари бор ва мамлакат, минтақа, шаҳар ёки посёлка қарерда жойлашганидан қатъи назар, COVID-19 тарқалишининг олдини олиш ҳеч қачон кеч эмас», дейди Гебрейесус.

Унинг сўзларига кўра, Янги Зеландия коронавирусга қарши қандай курашиш лозимлиги борасида дунёга намуна бўлган. Мамлакат ичида коронавирус билан янги касалланиш ҳолатлари 100 кундан буён қайд этилмапти.

ЖССТ раҳбари барча давлатлар етакчиларини ҳаракат қилишга, фуқароларни эса янги чеклов чораларига риоя қилишга қақирган.



Рустам ИКРОМОВ,  
Коронавирусга қарши курашиш штаби аъзоси

## Мактаб ва боғчалар очилишига тайёргарлик кўрилмоқда

«Мактаб ва мактабгача таълим ташкилотларида ўз фарзандларимиз таълим олишади. Бу масалада эътибор бериш керак бўлган жиҳатлар кўп. Ишлаб чиқилган тадбирлар шунчаки ҳисобот учун эмас, балки фарзандларимизни ижтимоий ҳаётга тезроқ қайтариш, карантин шароитида уларнинг руҳиятида кузатилган ўзгаришларни бартараф қилиш, улар қатнай-диган муассасаларда коронавирус тарқалишига имкон қадар тўқилиш қилишга қаратилган чоралар белгиланиши лозим.

Айни кунларда Мактабгача таълим вазирлиги ва Халқ таълими вазирлиги билан ҳамкорликда таълим муассасаларида амал қилувчи санитария меъёрлари ишлаб чиқилмоқда.

Мазкур меъёрлар Адлия вазирлиги томонидан ҳуқуқий экспертизадан ўтказилади ҳамда барча томонидан бажарилиши бирдек мажбурийлиги белгилаб қўйилади.

Шундан кейин мактабгача таълим ташкилотлари ва умумтаълим мактабларига фаолиятини бошлаш учун рўхсат берилди».

### ИЖТИМОЙ ҲИМОЯГА МУҲТОЖ АҲОЛИ БАНДЛИГИ ТАЪМИНЛАНАДИ

2020 ЙИЛДА ТАЖРИБА ТАРИҚАСИДА

Манба: ПҚ-4804, П.08.2020 й. @huquqiyxborot

Ногиронлиги бўлган шахслар учун иш ўринлари яратётган тадбиркорларга қуйидаги шартларда микрокредитлар ажратилади:

- ҳар бир яратилаётган иш ўрни учун БҲМнинг 25 бараваригача, бироқ бир тадбиркор учун жами БҲМнинг 500 бараваридан ошмаган миқдорда
- 3 йил муддатга бир йиллик имтиёзли давр билан
- Марказий банкнинг асосий ставкасида
- яратилган иш ўрнида ногиронлиги бўлган шахсларнинг камида бир йил ишлаш шarti билан

Ишга лаёқатли ногиронлиги бўлган шахсларнинг электрон реестри шакллантирилади ва реестрга киритилган шахсларни буш иш ўринларига жойлаштиришга кўмаклашилади

Тадбиркорларга иш ўринлари ва шароитларини ногиронлиги бўлган шахсларга мослаштириш учун ҳар бир мослаштирилатган иш жойи учун БҲМнинг 40 бараваригача миқдорда субсидия ажратилади

Касб-ҳунарга ўқитиш марказларида ижтимоий ҳимояга муҳтож, айниқса, кам таъминланган ва меҳнат мигрантлари оилаларининг аъзолари, ногиронлиги бўлган шахсларни бепул ўқитиш курслари ташкил этилади

Хорижий мамлакатларга ишлаш учун кетаётган ва "labor-migration" дастурий мажмуасида рўйхатга олинган фуқароларни ўқитиш ташкил этиш мақсадида ҳар бир таълим олувчи учун бир ойда БҲМнинг 4 бараваридан ортиқ бўлмаган миқдорда грантлар ажратилади

Россия Федерациясида фаолият юритаётган меҳнат мигрантларини ўқитиш чоралари кўрилади.

Ўзбекистон Республикаси Соғлиқни сақлаш вазирлиги

"COVID-19" касаллигига чалинган **35927** нафар беморнинг қайд этилиши ва соғайганлиги билан боғлиқ кўрсаткичлар жадвали

2020 йил 17 август, соат 23:30 ҳолатига

| Худудлар              | Қайд этилиши | Соғайганлар  | Фоида      | В.э        |
|-----------------------|--------------|--------------|------------|------------|
| Қорақалпоғистон Респ. | 439          | 401          | 91%        | 5          |
| Андижон вилояти       | 1148         | 1103         | 96%        | 2          |
| Бухоро вилояти        | 1014         | 932          | 92%        | 8          |
| Жиззах вилояти        | 147          | 132          | 90%        | 6          |
| Қашқадарё вилояти     | 880          | 854          | 97%        | 8          |
| Навоий вилояти        | 493          | 470          | 95%        | 6          |
| Наманган вилояти      | 825          | 780          | 95%        | 5          |
| Самарқанд вилояти     | 1497         | 1319         | 88%        | 3          |
| Сирдарё вилояти       | 739          | 708          | 96%        | 2          |
| Сурхондарё вилояти    | 578          | 545          | 94%        | 6          |
| Фарғона вилояти       | 310          | 304          | 98%        | 1          |
| Хоразм вилояти        | 439          | 414          | 94%        | 1          |
| Тошкент вилояти       | 5627         | 5039         | 90%        | 28         |
| Тошкент шаҳри         | 21791        | 18579        | 85%        | 157        |
| <b>Жами:</b>          | <b>35927</b> | <b>31580</b> | <b>88%</b> | <b>238</b> |













